

PET TE TAPPET KAX'ĀMI II

1 ¹Ūgmūn Xīmām Pet. Yeyox Kunnix tek xat, tu nūgkutnāhā'. 'Āte 'āxop pu' kax'āmi nūhū tappet. Topa te 'ākuxa tupmāhā xix Yeyox Kunnix te', xa tu 'ākuxa max. Yeyox Kunnix te yūmūg kuxa kummuk xit. Topa te 'ākuxa mām mā max xix Yeyox Kunnix te', 'ūgmūg putuk. Yā' max kuxa mām'ax, yā hāpxop takat putuk.

²Ātep-tup, puyīy Topa xa maxnā punethok, nūy 'ākuxa mām mā punethok, xayīy 'āxop Topa yūmmūg xix yūmūg xuxyā Yeyox yūmmūg.

Topa te tikmū'ūn xānāhā', tu nōm yīmōgātux

³Topa 'ūka'ok, tu yūmū'ā hāpxop xohix popmāhā', 'ūyīy hāmmax mīy, nūy Topa max putuk, tu Topa yūmmūg. Topa te yūmūg xānāhā', 'ūyīy yūmū nūmūtik pi', nūy 'ūyōg max xe'ēgnāg pēnā'. Yā' xexka', tu' max Topah. ⁴Ha kaxīy Topa te yūmū'ā hāpxop xe'ēgnāg 'āktux xex, 'ūyīy hāpxopmā kummuk putup xūy kux, tu hām xexka xohix yōg tikmū'ūn putuk hok nōm te yāy kummugāhā', pa yūmū'āte Topa putuk putup. ⁵Āxop kuxa mām ka'ok Topa kopah. 'Āpu hāpxopmā max nōynā mōg. 'Āxop te hāpxopmā max. 'Āpu hāmyūmmūg nōynā mōg. ⁶Āxop te hāmyūmmūg. 'Āpu hāpxopmā kummuk putup xūy kux nōynā mōg. 'Āxop te hāpxopmā kummuk putup xūy kux. 'Āpu hāpkummugā hā tot nōynā mōg. 'Āxop te hāpkummugā hā tot. 'Āpu Topa putuk nōynā mōg. ⁷Āxop te Topa putuk. 'Āpu Yeyox kopa mām ka'ok xop putuppax nōynā mōg. 'Āxop te Yeyox kopa kuxa mām ka'ok xop putuppax. 'Āpu 'ānōy putuppax nōynā mōg. ⁸Āxop te' mīy punethok te kaxīy, nūy ta Yeyox Kunnix yūmmūg xexka', tu tikmū'ūn pu Yeyox 'āktux max putup. ⁹Pa xate' mīy 'ohnāg te kaxīy, nūy ta 'āxop hāmyūmmūg kutōgnāg, nūy hāmpēnāg-tōgnāg putuk, nūy pa hok xop putuk. Yā Yeyox te 'ākuxa kummuk xit, pa xate' xaxok.

¹⁰Ūkxape xop, Topa te 'āxop xānāhā', tu 'āxop yīmōgātux. 'Āpu Topa yōg putat hā mōg kuma mog. Hā kaxīy 'ākuxa mām kux putup'ah, ¹¹tu pexkox hā mōxakux putup, pa' pip putup yūmūg xuxyā Yeyox Kunnix yōg tikmū'ūn, yā' kuxa tup xop, ha Topa te 'āxop xat putup hāmyāxatamuk xohix kux 'ohnāg hā.

¹²Hōmā 'āxop te' xupak nōm hāpxop xe'e xohix, tu 'āyīpkox pip, tu' mīy punethok. 'Āxop te nōm yūmmūg xexka'. Pa xa nōm yūmmūgāhā 'ūxehēh, pu' max. 'Āte nōm xop 'āktux putup punethok 'ūxehēh. ¹³'Āte hāmpekpaxex

'ükxip, koxix xa nôm yümmügä 'üxeheh. ¹⁴'Äte' yümmüg, häpxip 'ihäg xip kux putup, yäg xok putup, yä yümüg xuxyâ Yeyox Kunnix te 'ä nôm 'äktux. ¹⁵Hömä 'äte xa yümmügäp-tup punethok 'üxeheh, xayiy 'äxop nôm xaxok hok. Häpxip 'ihäg xok putup, ha 'a 'äxop te nôm häpxop xaxok putup'ah.

Kunnix xe'ëgnäg 'äktux

¹⁶'Ok 'ügmü'äte xa yäy yög hām'äktux hitop 'äktux, nüy xa hām'äktux yümüg xuxyâ Yeyox Kunnix putpu' nün'ax max xe'ëgnäg? 'Ämhok. 'Ap hitop'ah hām'äktux. Pak mü'äte' pēnähä Yeyox 'üxexka', tu' max. ¹⁷Yä hōmäg mü'äte' pēnähä'. Yümüg 'atak Topa xip pepix pexkox tu', ha ta' xip Yeyox nunte 'ügmüg mütik, hak mü'äte' xupak, Topa te: "Nühü yä 'ügtkotok pit. 'Äte mö'yäy xe'ëgnäg xexka'." Kaxiy. Hä kaxiy Topa te yäy kutok xexka xe'ëgnäg mīy. ¹⁸Yä nôm yänmün xupep'ax te pexkox tu' nün, ha tak müg pip yīktix yīmü', tuk mü'äte nôm 'apak, 'ihä' xip yümüg xuxyâ Yeyox xip. Yä' max xe'ëgnäg.

¹⁹Hömä 'ühittap Topa pupi hām'äktux xop te Topak-tok 'äktux, ha ta hōnhäg mü'äte Yeyox pēnähä'. Yä Topa pupi hām'äktux xop te kax'ami hām'äktux xe'e', yä' koit'ah. Yä' xe'e'. 'Äpu nôm hām'äktux 'äpax, ha 'äxop te hämyümmüg putup. Kuyänäm tat te putat tupmähä'. Hä kaxiy Topa pupix hām'äktux xop yög hām'äktux te Topa yög putat max tupmähä', yä Topa yög putat tupmāp-tup, ha möktu yä Yeyox Kunnix te putpu' nün nôm häptup 'ihä'. Mäyönnäg xexka xupep. Hä kaxiy Yeyox xupep putup kamah. ²⁰'Äpu hämyümmüg xe'e'. Hömä 'ühittap tik te Topa pupi hām'äktux, tu hām'äktux kax'ami Topa yög tappet tu'. Texiy hām'äktux? 'Ok hām yümmüg xexka', hu hām'äktux? 'Ämhok. ²¹'Ok tikmü'ün tep-tup, hu Topa pupi hām'äktux? 'Ämhok. Pa Topa te tu' popmähä hām'äktux, ha Topa Koxuk te' yiygähä'.

2 ¹Hömä Topa pupi hām'äktux koit xop te kuxa mām ka'ok xop mütik yäy kotinnähä', tu hām'äktux Topa pupi' hām'äktux, pa yä' koit. Hä kaxiy tikmü'ün te 'äxop mütik yäy kotinnāp-tup, nüy 'äxop pu hämyümmügä', pa yä' koit, tu tikmü'ün pu hämyümmügäp-tup, nüy tikmü'ün kuxa mām kuxyā', tu hām'äktux Topa yög putat yög hämyümmüg 'äktux, pa yä' koit, tu yümüg xuxyâ Yeyox 'äktux kummuk putup. Yeyox te tikmü'ün pupi' xok, pa nôm te hām'äktux putup, hu: "Yeyox 'ap xe'e'ah." Kaxiy. Hä kaxiy mīy, ha Topa te yög kummuk mīy'ax hä yänän putup mö'ka'ok. ²Topa te' yänän putup, pa nôm kummuk xop te yäy yög putat kummuk kopa' mög, ha tikmü'ün te nôm pēnāp-tup, hu Topa yög putat max 'äktux kummuk putup. ³Nôm tikmü'ün kummuk te tayūmak putuppax, hu xa yäy yög hām'äktux hitop yümmügäp-tup, xayiy 'äxop tu' pago. Pa Topa te' yümmüg, hu' hip. Häpxip kutōgnäg 'ihä Topa te nôm xop yög häpxopmā'ax kopit putup, nüy yög häpkummuk mīy'ax hä yänän.

⁴Hömä 'ühittap pexkox yög nü'pok xop te häpkummuk mīy pexkox tu', ha Topa te yög häpkummuk mīy'ax yänän, yä nôm putyön pexkox künāpa', tu nôm

xex Hãmgãyãgnãg pet kopah, yã kanet ka'ok putuk, tu nôm kiy. Yã hãpkoxtap xexka!. Nôm te' hip, yã hãpxip 'ihã Topa te yõg hãpkummuk miy'ax hã yãnãn putup. ⁵Hõmã 'ühittap, ha ta tikmũ'ün xohix te hãpkummuk miy kamah, tu Topap-tup nõg. Ha Nõe te tikmũ'ün pu Topa yõg hãm'ãktux xe'e 'ãktux. Pa tikmũ'ün te hãpkummuk miy kux 'ohnãg, ha Topa te yõg hãpkummuk miy'ax hã yãnãn. Yã Topa te' xat, ha kônãg xexka te hãm xexka mõ'nny, ha tikmũ'ün xohix xakix kônãg kopah. Pa' xakix hok Nõe xix yã xape xohix te' 7. Yã' pip mĩpkox kopah, yã mĩptut xexka kopah, tu kônãg yĩmũ' mõg. Pa tikmũ'ün nõy xohix xakix kônãg kopah. ⁶Hõmã 'ühittap ha ta kãmãn Xonõm yõg tikmũ'ün xohix te Topap-tup nõg xix kãmãn Gõmõg yõg tikmũ'ün xohix te', ha Topa te yõg hãpkummuk miy'ax hã yãnãn, ha kuxap te nôm kãmãn tix puk xix yõg tikmũ'ün xohix, ha' xakix. Topa te nôm Topap-tup nõg xop tu' yãnãn. Hã kaxiy tikmũ'ün te' yũmmũg Topa te tikmũ'ün xohix yõg hãpkummuk miy'ax yãnãn putup. ⁷⁻⁸Yã No te' pãnãhã!. Yã No te yãykotinnãhã kãmãn Xonõm yõg tikmũ'ün kummuk mütik. Yã tik max No, tu' pãnãhã tikmũ'ün te' nõy hã xupxetpax, tu' yĩpkox 'ohnãg. No te tikmũ'ün yõg hãpkummuk miy'ax pãnãhã!, tu' xupak, hu' kuxa hittup 'ohnãg, yã 'ãmny xohix hã' kuxa hittup 'ohnãg. Kãmãn yõg tikmũ'ün xohix xakix, yã kuxap te' kix, pa Topa te No xut, ha' xok 'ohnãg. ⁹Hã kaxiy yũmũ'ãte' yũmmũg Topa te Topap-tuppax xop mõy'ax hãpkummuk kopah, pa Topap-tup nõg xop kiy'ax, ha mõktu nôm 'ãmny xupep. Yã tute Topap-tup nõg xop yõg hãpkummuk miy'ax hã yãnãn putup. ¹⁰Hamũn, Topa te tikmũ'ün yõg hãpkummuk miy'ax hã yãnãn xexkap-tup, yã nôm tep-tuppax hãpxopmã'ax kummuk, hu' miy 'ũxohix, tu Topa yõg xat'ax miy 'ohnãg.

Hã kaxiy nôm te' koit xop, nôm te Yeyox kopa kuxa mãm ka'ok xop pu hãmyũmmũgãhã!, pa yã' koit, tu hãm'ãktux ka'ok, pa hãmyũmmũg 'ohnãg, tu yãy xexka pe'paxex, tu pexkox yõg max xop 'ãpak 'ohnãg, pa nôm 'ãktux kummuk. ¹¹Nôm te' koit xop 'ũpu'uk, pa pexkox yõg nũ'pok xop 'ũka'ok xexka!, pa pexkox yõg nũ'pok xop te pexkox yõg max xop 'ãktux kummuk 'ohnãg. ¹²Xokxop gãy xop te hãmpe'paxex max 'ohnãg, pa' gãy. Ha tikmũ'ün te nôm xak, nũy kix. Hã kaxiy nôm te' koit xop te hãmpe'paxex max 'ohnãg, pa' gãy, ha Topa te' kuxyãp-tup. ¹³Nôm te' koit xop te tikmũ'ün kummũgãhã!, ha Topa te nôm tu' yãnãn putup. Tikmũ'ün te hãpkummuk miy'ax xaptop, puyiy tikmũ'ün nôm pãnã hok. Pa nôm te' koit xop tep-tuppax hãpkummuk miy, puyiy tikmũ'ün nôm pãnã!. Nôm te pãm mãhã 'ãxop mütik, yã 'ãxop te pãm mãhã!, nũy Yeyox xok'ax pe'ãpaxeh. Yã 'ãxop te nôm te' koit xop mütik yãyhãphup. Nôm te pãm mãhã 'ãxop mütik, tu' koit putuppax, ¹⁴tu 'ün kummuk pãnãpax, tu hãpkummuk miy'ax putup xũy kux 'ohnãg, tu' kuxa mãm pu'uk xop pu hãmyũmmũgã kummuk, ha' kuxa mãm koit'ax kopah. Nôm koit xop te tayũmak putup xũy, ha Topa te hãm'ãktux, hu: “Yã' kummuk nõ'om”. Kaxiy. Topa te nôm xũygãp-tup. ¹⁵Nôm te' koit xop te Topa yõg putat max xak, tu yãy xaxogãhã!, yã hãpxe'e yũmmũg 'ohnãg. Hõmã Mana'ãm, yã Meot kutok te tayũmak putuppax, tu hãpkummuk miy, nũy tayũmak pop, ¹⁶pa Topa te: “Kaxiy hok”. Kaxiy. Yã Topa

te Mana'am yög yomën yĩgãhã', yiy hãm'ãktux, hu: "Kaxiy hok". Kaxiy. Tu Mana'am hupmãhã'. Mana'am xip Topa pupi hãm'ãktux xop kopah, pa' kummak. Hã kaxiy nôm te' koit xop te hãpkummuk miy, yã Mana'am putuk.

¹⁷Tikmũ'ün te kônãg xupup kox tu' móg, nüy kônãg 'üm tat, pa' nak, puxi' tat 'ohnãg. Tikmũ'ün te hãmgöy xexka pênãhã', tu hãmpel'paxex tex tip-tup. Pa 'ãmuuh te hãmgöy xexka xit, ha tex ti 'ohnãg. Hã kaxiy tikmũ'ün móg, nüy nôm te' koit xop yög hãmyümmüg 'ãpax, pa hãmyümmüg max 'ohnãg. ¹⁸Nôm te' koit xop te yãy xexka 'ãktux, tu hãm'ãktux hitop tikmũ'ün pu', tu' yümmügãhã tikmũ'ün te yãy yög putup'ax miy, pu' max. Yã' koit, pa tikmũ'ün te' xupak, tu' miy. Yã hãmã tikmũ'ün te' kummuk xop nãm, pa hõnhã putpu' móg. ¹⁹Nôm te' koit xop te: "Äpu 'ümüy 'ãxop te nôm putup, puyiy 'ünöy 'ãxop xat hok." Kaxiy. Pa yã' koit. Xuxyã xop te kãmãnat xop xatpax. Hã kaxiy tik yög putup'ax te tik xatpax. Hamün, nôm te' xat te xuxyã putuk, ha' nöy te' miypax te kãmãnat xop putuk. ²⁰Hã kaxiy tikmũ'ün xohix. Tikmũ'ün te yãy putup'ax miypax, yã' kummuk. Pa hãpxip 'ihã' kuxa mãm yümüg xuxyã Yeyox Kunnix kopah, ha Yeyox te' kuxa kummuk xit, nüy' yãnan tu' kuxa max tat. Pa hãpxip 'iha putpu' yãy putup'ax miy. Nõmhã' kummuk xexka'. ²¹Hamün, tikmũ'ün te Topa yög putat xe'e hã' móg 'ohnãg, yã' kummuk miãx. Pa tikmũ'ün te Topa yög putat xe'e hã' móg. pa' xak, tu' móg, yã' kummuk xexka'. ²²Yã hãm'ãktux hittap putuk. Yã hãm'ãktux hittap, tu: "Kokex yögmüy, tu putpu' mãhã'." Kaxiy. Tu xe: "Tikmũ'ün te xapup pix, pa putpu' xe nõ yãy muk putöy hã." Kaxiy. Hã kaxiy tikmũ'ün te hãpkummuk miy kux, pa putpu hãpkummuk miy.

Yeyox putpu' nün putup

3 ¹Ükxape xop, hãmã 'ãte xa tappet kax'ãmi'. Hõnhã 'ãte xa' kax'ãmi 'üxeheh nühu tappet. 'Äte tappet tix kax'ãmi', nüy xa hãmyümmügã 'üxeheh, xayiy hãmpel'ãpaxeh xe'e'. ²Hãmã 'ühittap Topa pupi hãm'ãktux xop xe'ëgnãg te Topak-tok putpu' nün'ax 'ãktux, ha Yeyox yög mö'pok xop te 'ãxop pu nôm 'ãktux kamah, yã Yeyox yög hãm'ãktux 'ãktux. 'Ätep-tup, xayiy xe nôm pel'ãpaxeh. ³Äpu nü pel'ãpaxeh hãmãxap. Äpu hãmyümmüg. 'Äxop te' yümmüg, hãm xexka yög hãmyãxatamuk xox putox 'ihã' pip putup tikmũ'ün kummuk, tu yãy yög putup'ax kummuk miypax putup, tu 'ãxop kute'ex kummuk putup, ⁴tu: "Yeyox te hãm'ãktux xex 'üputpu' nün putup. 'Ok kaxiy hãm'ãktux? Teptu putpu' nün 'ohnãg? Hãmã Topa te' miy hãm xexka' xix hõnhã', yã 'ãmniy xohix te yãy putuk. 'Ap nün'ah. 'Üpip mõnäyxop, tu' xakix, pa' nün 'ohnãg." Kaxiy. ⁵Pa nôm tep-tup'ah, nüy hãmpel'paxeh max. Hãmã 'ühittap Topa te' miy hãm xexka', yã kônãg hã' miy, tu kônãg hã' xut, ⁶tu ta hãpxip 'ihã kônãg hã hãm xexka xohix xexka koxyöy xix tikmũ'ün xohix kônãg hã' kix. Yã Topa te' xat. ⁷Tu ta' xat putup, tu kuxap hã' koxyöy putup hãm xexka xix pexkox yokomak xop. Yã Topa te' hip. Hãpxip 'ihã tute Topap-tup nõg xop yög hãpxopmã'ax kopit putup, nüy yög hãpkummuk miy'ax hã yãnan.

⁸'Āpu' xaxok hok nū hāpxop puxet. Hāmyāxatamuk te' 1.000 te 'āmñiy puxet putuk Topa pu', yā Topa pu' yāy putuk. ⁹Topa te hām'āktux xex Topak-tok putpu' nūn putup. Tikmū'ūn te hāmp'e'paxex hāmyāxatamuk xohix xexka nōg, pa' nūn 'ohnāg. Pe 'ām'hok, 'ap xohix'ah. Topa pu hāmyāxatamuk xohix 'ohnāg. Pa Topa te' hip punethok, puyiy tikmū'ūn yāy yōg hāpkummuk mīy kux. Tutep-tup'ah tikmū'ūn koxyōy.

¹⁰Pa nōm hāptup mō'nāp-tup, ha yūmūg xuxyā Yeyox putpu' nūn putup. Tikmū'ūn te xupxet hip 'ohnāg, tu hāmp'e'paxex 'ūnūn putup'ah xupxet. Hā kaxiy tikmū'ūn te Yeyox hip putup'ah, tu hāmp'e'paxex 'ūnūn putup'ah. Yā nōm hāptup mō'nāp-tup. Tikmū'ūn te' xupak putup hāmnūhūn xexka', yā' nōg putup pexkox yokoma' xop, yā māyōnnāg xohix puk putup, xix māyōn, xix māyōn hex, yā' xohix puk putup, ha' nōg putup hām xexka xix hām xexka yōg hāpxop xohix. ¹¹Hā kaxiy 'ūnōg putup hāpxop xohix. 'Āxop te' yūmmūg. Texiy 'āxop hōnhā? Putep mūn mīy putup hōnhā? Yā 'āpu hāpxopmā xe'e, yā Topa putuk. ¹²'Āpu Yeyox te putpu' nūn'ax hip. Topa te yāy kutok putpu nū'kutnāp-tup. 'Āpu hāpxopmā max, puyiy hāpxip kutōgnāg 'ihā' nū' Yeyox. Yeyox nūn putup, ha pexkox yokoma' xop puk putup, ha' nōg putup, yā hāmpukpex xexka', ha māyōn hep pognām putup, xix māyōn hex, xix māyōnnāg xop. ¹³Pa Topa te hām'āktux xex, ha yūmū'āte nōm hip, yā pexkox yokoma' xop tup hip, xix hām xexka tup. Yā Topa te' mīy putup. Ha 'ōnte tikmū'ūn te hāpxe'e mīy putup.

¹⁴'Ūkxape xop, 'āpu Yeyox te putpu' nūn'ax hip. Pu yā 'ākuxa tup, nūy hāpkummuk mīy hok, yā Topa pu 'āmax, nūy yāy kix hok Topa mūtik. ¹⁵'Āpu hāmp'e'āpaxeh hōnhā Topa te' hip, yā 'ap xupep'ah Yeyox hōnhā. Tute 'āxop xānāhā'. 'Āpu 'ōg hāpkummuk mīy kux, ha Topa te 'ākuxa kummuk xit putup, nūy yānān, tu kuxa max tat. Yā yūmūg taknōy Paot te nōm hāpxop kax'āmi kamah. Yā Topa te Paot pu nōm yūmmūgāhā'. ¹⁶Paot yōg hām'āktux te yōgnū putuk, tu nōm kax'āmi tappet tu'. Yā' pip hāpxop ka'ok 'ūyōg tappet tu', ha tikmū'ūn te' yūmmūg mō'pu'uk. Pa' pip tikmū'ūn, tu hāmyūmmūg 'ohnāg, tup-tox kummuk, tu tikmū'ūn pu Paot yōg tappet yūmmūgā kummuk, tu' koit, yā Topa tappet xohix yūmmūgā kummuk, tu yāy kuxa mām kux.

¹⁷'Ūkxapexop, 'āte xa nōm kax'āmi', ha 'āxop te nōm yūmmūg. Pa 'ātix, nūy hāmyūmmūg, puyiy nōm koit xop xa yūmmūgā kummuk hok. Pa 'ātix, puyiy 'ākuxa mām kux hok. Yā nōm koit xop te Topa yōg xat'ax mīy 'ohnāg. ¹⁸Topa te xa maxnāhā'. 'Āpu 'ūtuxhok, puyiy Topa xa maxnā nōynā'āmōg. 'Āpu yūmūg xuxyā Yeyox Kunnix yūmmūg nōynā'mōg. Yeyox te yūmūg kuxa kummuk xit. 'Āpu yūmū hām'āktux, hu: "Yeyox 'ūmax xe'ēgnāg." Kaxiy. 'Āpu yūmū Yeyox Kunnix xexka mīy hōnhā, xix' xexka mīy hāmyāxatamuk xohix kux 'ohnāg hā.

Tu ta tu' kux.